



ERTZAINTZAK ETA UDALTZAINGOEK OSASUN-ALARMAN APLIKATZEKO IRIZPIDEAK

Data: 2021eko urtarrilak 12

Berrikuspena: 05

SARRERA

Urtarrilaren 12an *Lehendakariaren 01/2021 Dekretua argitaratu da, urtarrilaren 12koa, abenduaren 10eko 44/2020 Dekretuaren bigarren aldaketa, alarma-egoeraren adierazpenaren eremuan testu bakar batean batzeko eta prebentzio-neurri espezifikoak eguneratzeko, egoera epidemiologikoaren bilakaeraren ondorioz eta SARS-CoV-2k eragindako infekzioen hedapena geldiarazteko. **Honakoak dira indarrean dagoen dekretuan jasotako neurri aipagarri eta eguneratuak:***

BAT. Pertsonen gaueko zirkulazio-askatasuna mugatzea

- Urriaren 25eko 926/2020 Errege Dekretuak adierazitako alarma-egoera indarrean dagoen bitartean Euskal Autonomia Erkidegoan gaueko ordutegian zirkulatzeko askatasunaren mugatzea mantenduko da, **22:00etan hasi** eta muga hori **06:00etan** amaituko da.
- Aurreko paragrafoetan ezarritako ordutegi-muga eta kasuak alde batera utzita, urriaren 25eko 926/2020 Errege Dekretuaren 5.1 artikuluan aurreikusitako jarduerak egiteko **bakarrik zirkulatu ahal izango dute** pertsonak erabilera publikoko bide edo espazioetatik:
 - a) Sendagaiak, osasun-produktuak eta premia biziko beste ondasun batzuk erostea.
 - b) Osasun-zentro, -zerbitzu eta -establezimenduetara joatea.
 - c) Albaitaritzako arreta-zentroetara joatea urgentziazko arrazoiengatik.
 - d) Lan-, lanbide-, enpresa-, erakunde- edo lege-betebeharrak betetzea.
 - e) Ohiko bizilekura itzultzea, atal honetan aurreikusitako jarduera batzuk egin ondoren.
 - f) Adinekoei, adingabeei, mendekotasun-egoeran daudenei, desgaitasuna duten pertsonen edo bereziki ahulak diren pertsonen laguntzea eta hauek zaintzea.
 - g) Ezinbesteko kausagatik edo premia-egoeragatik.
 - h) Antzeko beste edozein jarduera, behar bezala egiaztatuta badago.
 - i) Aurreko paragrafoetan aurreikusitako jarduerak egiteko beharrezkoa denean gasolina-zerbitzuguneetan erregaia hartzea.



BI. Euskal Autonomia Erkidegoko lurraldean eta norberak bizilekua duen udal-mugarteetan pertsonen sarrera eta irteera mugatzea

- Urriaren 25eko 926/2020 Errege Dekretuak aitortutako alarma-egoera indarrean dagoen bitartean, **Euskal Autonomia Erkidegoko lurraldean pertsonak sartzeko eta ateratzeko murrizketari eutsiko zaio.**
- Nolanahi ere, urriaren 25eko 926/2020 Errege Dekretuaren 6.1 artikuluan aurreikusitako arrazoren batengatik egindako joan-etorriak baimenduko dira, behar bezala justifikatuta badaude:
 - a) Osasun-zentro, -zerbitzu eta -establezimenduetara joatea.
 - b) Lan-, lanbide-, enpresa-, erakunde- edo lege-betebeharrak betetzea.
 - c) Unibertsitateetara, ikastetxeetara eta hezkuntza-zentroetara joatea, haurhezkuntzako eskolak barne.
 - d) Ohiko bizilekura edo familia-bizilekura itzultzea.
 - e) Adinekoei, adingabeei, mendekotasun-egoeran daudenei, desgaitasuna duten pertsoneri edo bereziki ahulak diren pertsoneri laguntzea eta hauek zaintzea.
 - f) Mugakide diren lurraldeetako finantza- eta aseguru-erakundeetara edo gasolina-zerbitzuguneetara joatea.
 - g) Organo publiko, judizial edo notarialetan egin beharreko premiazko betebeharrak betetzea.
 - h) Baimenak eta dokumentazio ofiziala berritzea, bai eta beste administrazioizapide atzeraezin batzuk egitea ere.
 - i) Azterketa edo proba ofizial atzeraezinak egitea.
 - j) Ezinbesteko kausagatik edo premia-egoeragatik.
 - k) Antzeko beste edozein jarduera, behar bezala egiaztatuta badago.
- **Igarotzen ari den zirkulazioari** dagokionez, ez da inolako murrizketarik egongo artikulua honetan aurreikusitako mugak aplikatu behar diren lurralde-eremuetatik ari direnentzako.
- Azken 14 egunetan **100.000 biztanleko 500 edo gehiagoko kasu positiboen intzidentzia-tasa metatua duten udalerrietan, udalerrira mugatu egingo da pertsonen sarrera eta irteera**, EAera sartzeko eta irteteko mugari dagozkion salbuespenekin.
- Horrez gain, pertsonak bizi diren **lurralde historikoko sarrera- eta irteera-murrizketa zehazten da**, aurreikusitako salbuespenekin, eta lurralde historiko desberdinetako udalerrri mugakideen arteko mugikortasuna baimentzen da, salbu



eta bizi diren udalerriak edo mugakideak aurreko 14 egunetan Covid-19 kasu positiboen intzidentzia-tasa metatua 100.000 biztanleko 500 edo gehiago badute.

- **Arau honen ondorioetarako, interesdunak sinatutako erantzukizunpeko adierazpena izan daiteke egiaztatzeko bidea, bertan adierazi behar du, bere erantzukizunpean betetzen dituela dekretu honetan mugikortasun-mugaren salbuespenak justifikatzeko ezarritako betekizunak.** Lekualdaketaren jatorriari, xedeari eta arrazoiari dagokienez egiaztatu nahi diren baldintzak zehaztu beharko dira adierazpen horretan, bai eta bisitatzen den senide edo hurbileko pertsonarekin harremanetan jartzeko datuak ere. Erantzukizunpeko adierazpenean jasotako edozein datu edo informazio zehatza ez bada edo faltsua bada, ezin izango da lekualdaketarekin jarraitu, dagozkion erantzukizunak alde batera utzi gabe. Dokumentu honen eranskinean, erantzukizunpeko adierazpenaren eredu bat eskaintzen da.

HIRU. Pertsona-taldeak espazio publiko eta pribatuetan egoteko muga

- Urriaren 25eko 926/2020 Errege Dekretuak adierazitako alarma-egoera indarrean dagoen bitartean, eutsi egingo zaio pertsona-taldeen erabilera publikoko espazioetan (itxiak nahiz aire zabalekoak) eta erabilera pribatuko espazioetan egoteko duten mugari, **ezin da sei pertsonako kopurua gainditu, bizikideak badira salbu**, eta jendearentzeko irekiak dauden bulego, instalazio eta establezimenduei, bai eta adingabe edo mendekotasun-egoeran daudenei dagokienez ezartzen diren salbuespenei kalterik egin gabe.
- Urriaren 25eko 926/2020 Errege Dekretuaren 7.4 artikuluan ezarritakoaren arabera, artikulua honetan aurreikusitako mugaren barruan ez dira sartuko lan-, hezkuntza- eta erakunde-jarduerak, ez eta araudi aplikagarrian berariazko neurriak ezartzen direnak ere.

INTERPRETAZIOAK ETA APLIKATZEKO IRIZPIDEAK

BIZILEKUA DAGOEN UDALERRITIK KANPO EGITEKO JOAN-ETORRIEI BURUZKOAK.

EAEko beste Lurralde Historikoetara joan naiteke?

Ez, soilik urriaren 25eko 926/2020 Errege Dekretuaren 6.1 artikuluan jasotako arrazoiaren batengatik gertatzen denean (osasun-zentroetara joatea, lan-betebeharrak, hezkuntza-jarduerak, ohiko bizilekura itzultzea, besteak beste).



Nire lurralde Historikoko beste udalerritarra joan naiteke?

Bai, lurralde historikoko udalerrri guztietara joan naiteke, edozein helburutarako, salbu eta bizilekuko edo helmugako udalerrian pertsonen sarrera eta irteera mugatuta badago.

Udalerrri konfinatu batera sartu edo bertatik irten naiteke?

Soilik urriaren 25eko 926/2020 Errege Dekretuaren 6.1 artikuluan jasotako arrazoiren batengatik gertatzen direnean (osasun-zentroetara joatea, lan-betebeharrak, hezkuntza-jarduerak, ohiko bizilekura itzultzea, besteak beste). **Debekatuta dago udalerrri konfinatuetatik irtetea edo sartzea, funtsezko erosceta eta zerbitzuetarako izan ezik, betiere konfinamendutako udalerrriak halako zerbitzurik ez badu.**

EAEtik kanpoko beste autonomia-erkidego batzuetara joan naiteke?

Ez, aurreikusitako salbuespenetan izan ezik.

Joan naiteke Euskaditik kanpo dagoen nire bigarren egoitzara?

Ez, aurreikusitako salbuespenak izan ezik.

Eta bigarren etxebizitza Euskadin badago?

Bai, ohiko bizilekua duen udalerriko lurralde historikoaren barruan, baldin eta ohiko bizilekua duen udalerrria edo bigarren etxebizitzaren udalerrria konfinatuta ez badaude.

Nola jakin dezaket nire udalerrria edo beste bat konfinatuta dauden ala ez?

Astero Osasun Sailaren webgunean (<https://www.euskadi.eus>), astelehenetan eta ostegunetan, Osasun Publikoaren eta Adikzioen zuzendariaren ebazpen bat zabalduko da, udalerrietako tasen zerrendarekin. Erreferentzia hau hurrengo egunetik aurrera izango da eraginkorra aurreikusitako ondorioetarako.

Nola justifika dezaket joan-etorrien arrazoia?

Beste frogabiderik ez dagoenean, erantzukizunpeko adierazpenaren egiaztagiri bat eraman ahal izango da. Egiaztagiri hori sinatutako dokumentu bat da, eta adierazten du dekretu honetan ezarritako baldintzak betetzen dituela, mugikortasun-mugaren salbuespenak justifikatzeko.

Zenbat lagun bildu gaitezke, 6 edo 10?

Gehienez ere sei pertsona elkartu ahal izango dira, bizikideak badira salbu.

Espetxeetara joateko aukera dago?

Bai, baldin eta Espetxe Agintaritzak emandako baimena badu.



Maskota atera dezaket 22:00etatik aurrera?

Maskota ezin da paseatzera atera **22:00etatik** aurrera eta **06:00ak** arte. Salbuespenetan aurreikusita dauden jarduerak soilik egin daitezke eta, maskotei dagokienez, urgentziazko arrazoiengatik albaitaritza-zentrora eraman daitekela, edo sendagaiak, osasun-produktuak edo premia biziko beste ondasun batzuk erosteko lekualadatu daitekela zehazten du.

Baimentzen al da arrazoi sindikalengatik, alderdi politikoek, enpresa-elkarte eta antzekoen lanagatik lekualdatzea?

Bai. Jarduera instituzional edo profesionaltzat hartzen baita.

Euskadin sar al daitezke konfinatu gabe dauden Autonomia-Erkidegoetako turistak?

Soilik sartu ahal izango dira legez ezarritako salbuespenak betetzen dituztenak, eta beste lurralde batera joateko bertatik igaro behar dutenak.

Nola arautzen dira Euskadin kokatuta dauden eta barrendegiak diren udalerrien gaiak?

Barrendegi diren udalerriek inguratzen dituen lurralde historikoko tratamendua jasoko dute (*Trebiñu, Villaverde....*).

Ibilgailuaren IATa pasatu behar badut eta izapidea 22:00ak baino beranduago amaitzen badut, baimenduta al dago desplazamendua?

Bai, eta bizilekura zuzenean joan behar da eta, betiere, egin den izapidea egiaztatzen duen agiria behar da.

LEHENDAKARIAREN 44/2020 DEKRETUAREN BIGARREN ALDKATETAREN OSTEKO ERANSKINAREN LABURPENA

Maskarak nahitaez erabili behar dira

Nahitaez erabili behar dute maskara sei urtetik gorako pertsonak, pertsonen arteko distantzia edozein dela ere, bai bide publikoan eta aire zabaleko espazioetan daudenean, bai erabilera publikoko espazio itxietan daudenean edo jendearentzat irekita daudenean, eta espazio berean beste pertsona batzuekin elkartu ahal direnean.

Lantokietan nahitaezkoa izango da maskara erabiltzea. Betebehar hori ez da eskatuko, baldin eta, lan-tipologia edo -baldintzak kontuan hartuta, osasun-zerbitzuek ez erabiltzea gomendatzen badute. Nolanahi ere, 1,5 metroko segurtasun-distantzia gorde beharko da.

Maskara erabiltzetik salbuetsita dauden pertsonen kasuan, ekainaren 9ko 21/2020 Legegintzako Errege Dekretuaren 6.2 artikulua adierazitako kasuetan izan ezik, maskarak erabiltzearen salbuespena ziurtagiri mediko ofizialaren bidez egiaztatu beharko da.

Ostalaritza- eta jatetxe-establezimendu eta zerbitzuetan, salbuespen gisa irekita daudenak, maskara erabiltzeko betebehar hori elikagaiak edo edariak hartzen diren unean bakarrik baztertzen da. Bestela, maskara erabili egin beharko da.



Maskara behar bezala erabili behar da; hau da, maskarak sudur-trenkadaren zati batetik kokotseraino (kokotsa barne) estali behar du.

Establezimendu, espazio edo lokalen titularrek bermatu beharko dute betebeharrak hori betetzen dela.

Eska daitekeen higie-ne eta prebentzio-neurria

Ezin izango da bide publikoan edo aire zabaleko gunetan erre, baldin eta ezin bada gutxienez 2 metroko pertsonarteko gutxienezko distantzia errespetatu. Muga hori tabakoa inhalatzeko veste edozein gailu erabiltzeko ere aplikatuko da, hala nola zigarro elektronikoak, "vapers" ak, ur-pipak, katximbak edo antzekoak.

Merkataritza-establezimenduak, instalazioak eta lokalak

Merkataritza-gune guztiek, erregaiak txikizka banatzeko zerbitzuguneek izan ezik, dagokien araudiaren arabera **itxi beharko dute**, eta, nolanahi ere, **gehienez ere 21:00etan**. Farmaziek beren ordutegi-erregimenari eutsiko diote.

Establezimenduek, instalazioek eta lokalek **jendaurrean jarri beharko dute gehieneko edukiera**, langileak barne, eta barnean edukiera hori eta pertsonen arteko segurtasun-distantzia errespetatzen direla, eta edukiera zenbatzeko eta kontrolatzeko prozedurak ezarri beharko dituzte, edukiera hori inoiz ere gainditu ez dadin. Maskara erabiltzea behar-beharrezkoa da barnealdean.

Debekatuta dago mota guztietako establezimenduetan alkohola saltzea 21:00etatik 08:00etara bitarteko ordutegian. Debekatuta dago alkohola bide publikoan kontsumitzea.

150 metro koadro baino gehiagoko merkataritza-establezimenduek, edukieraren ehuneko **40** baimendu beharko dute gehienez. Merkataritza-guneetan edukiera hori bera aplikatuko da solairu eta saltoki bakoitzean, bai eta eremu komunetan ere, merkataritza-azalera edozein dela ere.

Merkataritza-guneetako edo -parkeetako arduradunek neurri nahikoak jarriko dituzte muga hori betearazteko. Debekatuta dago jolaslekuak haurrentzako gune edo atsedenleku gisa erabiltzea, eta itxita egon beharko dute.

Merkataritza-instalazioetan kokatutako ostalaritza- edo jatetxe-establezimenduek mota horietarako negozioetarako xedatutakoa bete beharko dute.

Merkatal-gunetan ez dauden **150 metro koadro** arteko azalera duten establezimendu, instalazio eta txikizkako merkataritza-lokalek edukieraren ehuneko **60ko** edukiera izan beharko dute gehienez.

Establezimendu, instalazio eta merkataritza-lokaletan, ezin izango da eremu komunik okupatu pertsonen joan-etorria ez den beste erabilera baterako.

Beilatokiak eta ehorzketak

Beilatokiak mota guztietako instalazioetan egin ahal izango dira, publiko zein pribatuetan, behar bezala gaituta, **gehienez ere 30 pertsona** aire zabaleko espazioetan eta **6 pertsona**



espazio itxietan, bizikideak izan edo ez. Bertaratutakoen kopurua txikiagoa bada, ezin izango da baimendutako edukieraren ehuneko 50 gainditu.

Hildakoaren ehorzketarako edo erretzeko agurrerako segizioan **gehienez 30 pertsonak** parte hartu ahal izango dute, betiere eremu irekian egiten bada. Ekitaldia leku itxian egiten bada, **10 pertsona izango dira gehienez**, eta pertsonen arteko segurtasun-tarteari eutsiko zaio beti.

Gurtzarako lekuak

Kultu-aretoetara joateak ezin izango du edukieraren ehuneko 35 gainditu, eta, nolanahi ere, erabiltzaileen arteko 1,5 metroko distantzia bete beharko da. Gehieneko edukiera gurtzara bideratutako espazioko leku publikoan argitaratu beharko da.

Merkatuak

Bide publikoan, aire zabalean jarduten duten merkatuen kasuan edo sedentarioa ez den salmentan, merkatu txiki gisa ezagutzen direnak, ezin izango dira ohiko edo baimendutako postuen ehuneko 50 baino gehiago izan; elkarren ondoko postuen artean gutxienez 1,5 metroko tartea egon beharko da, eta bezeroen joan-etorria mugatu beharko da, pertsonen arteko segurtasun-distantziari eusten zaiola bermatzeko. Maskara nahitaez erabili beharko da, eta pertsonen arteko segurtasundistantzia 1,5 metrokoa izango da.

Euskaltegiak, akademiak, autoeskolak, eskolak eta arautu gabeko prestakuntza-zentroak

Euskaltegietan, akademietan, autoeskoletan, eskoletan eta arautu gabeko prestakuntzazentroetan, publiko zein pribatuetan, egiten den jarduera aurrez aurre eman ahal izango da, **gehienez ere 25 pertsonarekin**. Instalazioetan pertsonen arteko segurtasun-tartea mantentzeko beharrezko neurriak ezarri beharko dira. Maskara nahitaez erabili beharko da, nahiz eta pertsonen arteko segurtasun-tartea 1,5 metrokoa izan.

Ostalaritza, jatetxeak, txokoak eta elkarte gastronomikoak

Ostalaritza- eta jatetxe-establezimenduak eta -zerbitzuak jendearentzat berriro ireki ahal izango dira, honako arau hauen arabera:

5.000 biztanletik gorako udalerrietan, berriz irekitzeko azken 14 egunetan Covid-19 kasu positiboen intzidentzia-tasa metatua, 100.000 biztanleko 500 baino gutxiago izan beharko da, eta establezimenduak itxita egon beharko dira aipatutako tasa hori berdina edo handiagoa bada. Osasun Publikoaren eta Adikzioen Zuzendariaren ebazpen bidez, aste bakoitzeko astelehen eta ostegunetan zabalduko da Euskadiko udalerrien Tasa zerrenda, eta erreferentzia hori eraginkorra izango da hurrengo egunetik aurrera establezimenduak irekitzeko edo ixteko.

5.000 biztanletik beherako udalerrietan, tokiko egoera epidemiologikoak edo kutsatze-agerraldiek hala eskatzen dutenean, Osasun Sailak bidezko neurriak hartuko ditu establezimenduak ixteko.



Ostalaritzako eta jatetxe establezimendu guztiak, zerbitzuguneetako zerbitzuak izan ezik, **gehienez ere 20:00etan itxi beharko dira, eta ezingo dira 06:00ak baino lehen ireki.**

Hitzordua hartuta establezimenduan **eskaera jasotzeak 21:00ak** arte egin ahal izango dira eta, edonola ere, itxita egon beharko dira beste edozein zerbitzu publikorako. **Etxez etxeko** banaketa **22:00ak** arte egin ahal izango da.

Zerbitzuguneetan dauden ostalaritza- eta jatetxe-zerbitzuak **irekita** egon ahal izango dira **20:00ak eta 06:00ak bitartean**, iragaitzazko erabiltzaileentzat bakarrik.

Txokoak, elkarte gastronomikoak, lonjak eta antzekoak itxita egongo dira. Berriz irekitzeko gaituta dauden ostalaritza- eta jatetxe-establezimenduek **aire zabaleko terrazetan eskaini ahal izango dute zerbitzua, eta barruan gehieneko edukieraren ehuneko berrogeita hamar izango dute erabilgarri.** Nolanahi ere, **mahai desberdinetako aulkien artean gutxienez metro eta erdiko pertsonen arteko distantzia dagoela ziurtatu beharko da.** Mahai bakoitzeko bezero-taldeek ezin izango dute sei baino gehiago izan. Lau lagunentzako prestatutako mahaietan lau bezero bakarrik bildu ahal izango dira, eta bi mahai batu ahal izango dira **gehienez sei laguneko talde** baterako.

Berariaz gomendatzen da establezimendu barruan telebistaz igortzen diren kirol-ekitaldiak kolektiboki ez ikustea.

Debekatuta dago barran edo zutik kontsumitzea, bai barruan, bai kanpoan, erabiltzaileek mahaian eserita kontsumitu beharko dute. Berariaz gomendatzen establezimendu horietako terrazetan eta inguruetan ez erretzea.

Ostalaritzako eta jatetxeetako zerbitzua ematerakoan, ahalik eta intentsitate handienarekin egin beharko dira higie- eta prebentzio-neurriak.

Maskara erabiltzea nahitaezkoa izango da etengabe, elikagaiak edo edariak hartzen direnean izan ezik.

Kultura-jarduerak eta -ikuskizunak

Jarduera edo ekitaldi kultural edo sozialik ezingo da **21:00ak** baino beranduago **amaitu.**

Bertan behera geratuko dira musika- eta ahots-izaerako edo dantza-izaerako entsegu eta emanaldi kolektibo ez-profesionalak, musikako **ikasketa arautuen edo baliokideen kasuan** izan ezik. Debekatuta dago gozokiak, freskagarriak edo antzekoak saltzea eta kontsumitzea horrelako jarduerekin lotutako instalazioetan.

Kultura-ikuskizunak egin ahal izango dira publikoarekin instalazio propioetan edo kirol gunetxietan, edo beste eraikin mota batzuetan, gehienez ere ehuneko 50eko edukierarekin, eta gehienez ere **400 pertsonarekin.** Instalazioetan pertsonen arteko segurtasun-tartea mantentzeko beharrezko neurriak ezarri beharko dira, edo, halakorik ezean, babes fisikorako neurri alternatiboak erabiliko dira.

Aire zabaleko kultura-jarduerak eta -ikuskizunak egitea baimentzen da, baimendutako edukieraren % 50eko gehieneko edukierarekin, eta **gehienez ere 600 pertsona.**



Maskara nahitaez erabili beharko da.

Dantza-talde ez-profesionalen entseguei berrekitea baimentzen da, eta, nolanahi ere, zorrotz errespetatu beharko dira segurtasuneko pertsonen arteko distantzia mantentzeko prebentzio-baldintzak, maskara eta kontaktu fisikorik gabeko sei pertsonako taldeak.

Kirol-instalazioak eta kirol-lehiaketak, -ekitaldiak eta -ikuskizunak / Aire zabaleko jarduera fisikoak / Igerilekuak

Edozein kirol-jardueratan, **nahitaezkoa izango da maskara erabiltzea. Eremu naturaletan, hirigune periferikoetan (oinezkorik gabe), igerilekuetan, jarduera fisiko handiko aparteko uneetan eta lehiaketetan soilik baimenduko da maskara ez erabiltzea.**

Azken 14 egunetan Covid-19 kasu positiboen **INTZIDENTZIA-TASA METUATUA** 100.000 biztanleko **500 BAINO TXIKIAGOA DUTEN UDALERRIETAN**, kirol-jarduera honako arau hauen arabera garatu ahal izango da:

- Federatu gabeko kirol-jarduera fisikoa bakarka edo taldeka egin ahal izango da aire zabalean, kontaktu fisikorik gabe, eta aldi berean gehienez ere 6 pertsonako taldeetan.
- Lehiaketa profesionalean eta federatuan murgilduta dauden taldeen entrenamenduak eta kirol-lehiaketak egin ahal izango dira. Federazio bakoitzari bere eremuan, eta, hala badagokie, lehiaketa bakoitzaren ardura duten erakundeei, prebentzio-neurriak eta -protokoloak zorrotz betetzen direla zaintzea dagokie.
- Eskola-kiroleko entrenamenduei berrekin ahal izango zaie, eta gehienez sei pertsonako taldetan antolatu beharko dira, osaera aldatu gabe eta aldagelak erabili gabe.
- Entrenamenduetan, joan-etorrietan eta taldeko kirolak egin aurreko eta ondorengo uneetan, segurtasuneko pertsonen arteko 1,5 metroko distantzia, sei pertsonako taldeak eta maskara erabiltzeko oinarritzko prebentzio-neurriak gordeko dira.
- **Kirol-instalazioetan, igerilekuak barne, baimendutako gehieneko edukiera baimendutako edukieraren %50ekoa** izango da. Kirola bakarka edo taldeka egin ahal izango da, gehienez 6 pertsonako taldeetan. Taldeka ematen diren saioetan, gehienez 6 lagunek parte hartu ahal izango dute talde bakoitzean, eta ematen den espazioan ezarritako gehieneko edukiera errespetatuko da.
- Gehieneko edukieraren ehuneko 30eko okupazioarekin erabili ahal izango dira aldagelak. Halaber, dutexak erabili ahal izango dira, baldin eta banaka erabiltzeko badira. Maskara nahitaez erabili beharko da, dutexatzeko unean izan ezik, eta une oro errespetatuko da erabiltzaileen arteko segurtasun-distantzia. Aldagelak etengabe aireztatu beharko dira erabiltzen diren bitartean, bai eta ireki aurretik eta itxi ondoren ere. Aireztapena mekanikoa bada, kanpoko airearen sarrera maximizatu beharko da eta airearen birzirkulazioa saihestu.
- Debekatuta dago jendeak kirol-ekitaldietara joatea.



Azken 14 egunetan Covid-19 kasu positiboen **INTZIDENTZIA-TASA METATUA** 100.000 biztanleko **500 EDO GEHIAGO** duten udalerrietan, bertan behera geratuko da taldeko edozein kirol-jarduera mota, bai entrenamenduan, bai lehiaketan. Debeku honetatik at gelditzen dira lehiaketa profesionalean edo erdi-profesionalean murgilduta dauden taldeen entrenamenduak eta kirol-lehiaketak; gimnasioetan, kirol-klubetan edo kiroldegietan programatutako ikastaroak edo jarduerak; eta aire zabalean egiten diren jarduera fisikoa eta kirol-jarduera, gehienez sei pertsonako taldeetan.

Astero **Osasun Sailaren webgunean** (<https://www.euskadi.eus>), astelehenetan eta ostegunetan, Osasun Publikoaren eta Adikzioen zuzendariaren ebazpen bat zabalduko da, udalerrietako tasen zerrendarekin. Erreferentzia hau hurrengo egunetik aurrera izango da eraginkorra aurreikusitako ondorioetarako.

Joko eta apustuatarako establezimenduak eta lokalak

Azken 14 egunetan Covid-19 kasu positiboen **intzidentzia-tasa metatua** 100.000 biztanleko **500 baino txikiagoa duten udalerrietan**, joko- eta apustu-lokalak **berriz irekiko** dira, gehienez ere **ehuneko berrogeita hamarreko** edukierarekin. Joko- eta apustu-jarduerak banaka egin beharko dira, eta pertsonak eserita egon beharko dute.

Taldeek ezingo dute sei pertsona baino gehiago izan. Jokalarien arteko 1,5 metroko pertsonen arteko distantzia gorde beharko da. Joko-posizio bateko parte-hartzaile-aldaketa bakoitzean, erabilitako espazioaren garbitasuna eta objekturik trukatzeko ez dela bermatu beharko da.

Establezimendu horiek **gehienez ere 20:00etan itxi** beharko dute, bezeroen hustea barne, eta ezingo dira 06:00ak baino lehen jendearentzat ireki.

Lurreko garraioa

EAEko hiru lurralde historikoetako garraio publikoak, edozein motatakoak eta lurralde bakoitzeko barne eremukoak, **gehienez 23:00etan irten beharko** dute.

Ehiza- eta arrantza-jarduera

Ehiza-jarduera baimenduta dago modalitate guztietan, betiere pertsonen arteko segurtasun-distantzia errespetatzen bada. Maskara nahitaez erabili beharko da, nahiz eta pertsonen arteko segurtasun-tartea 1,5 metrokoa izan.

Baimenduta dago ibaiko eta itsasoko arrantza, kirol-arrantza eta jolas-arrantza, modalitate guztietan, betiere pertsonen arteko segurtasun-distantzia errespetatzen bada. Maskara nahitaez erabili beharko da, nahiz eta pertsonen arteko segurtasun-tartea 1,5 metrokoa izan.



Aire zabaleko erabilera publikoko parkeak eta kirol-eremuak

Haur-parkeak, kirol-eremuak, patinaje-pistak (skating) edo aire zabaleko erabilera publikoko antzeko espazioak jendearentzat irekita egon ahal izango dira, baldin eta horien azaleraren espazio konputagarriko 4 metro koadroko pertsona bateko gehieneko edukiera errespetatzen bada.

Udalei dagokie espazioa antolatzea, bai eta garbitasun- eta higiene-baldintzak bermatzea ere.

Diskotekak eta gaueko aisialdiko gainerako establezimenduak

Otsailaren 5eko 17/2019 Dekretuaren, Jendaurreko Ikuskizunen eta Jolas Jardueren Legea garatzeko Erregelamendua onartzen duenaren, III. eta IV. multzoetan sailkatutako establezimenduak ixtea erabaki da, salbuetsi egiten dira beren jardura I. eta II. multzoetarako erregulazioaren arabera garatzen dutenak, eta dagokien udal-baimena badute.

LEHENDAKARIAREN 44/2020 DEKRETUAREN ERANSKINAREN INTERPRETAZIOAK ETA APLIKAZIO-IRIZPIDEAK

Nahitaezkoa al da ibilgailu pribatu batean maskara erabiltzea pertsona batek baino gehiagok bidaiatzen duenean?

Bai, bizikidetza-unitate bereko pertsonak direnean izan ezik.

Nahitaezkoa al da maskara janzteia aire zabalean jardura fisikoa eta kirola egiteko?

Edozein kirol-jardueratan, **nahitaezkoa** izango da **maskara erabiltzea**. Eremu naturaletan, hirigune periferikoetan (oinezkorik gabe), igerilekuetan, jardura fisiko handiko aparteko uneetan eta lehiaketetan soilik baimenduko da maskara ez erabiltzea.

Zer da kirolari erdi-profesionala?

Egutegi ofizialeko estatuko eta nazioarteko lehiaketetan parte hartzen duten kirolariak dira, baita dagokion Euskal Federazioak antolatutako maila goreneko lehiaketetan jarduten direnak ere, guztiak kategoria absolutuan. Atal honetan sartzen dira maila absolutu goreneko herri-kirol lehiaketak.

Txokoak, elkarte gastronomikoak eta lonjak, irekita egon al daitezke?

Debekatuta dago txokoetan, elkarte gastronomikoetan, lonjetan eta antzekoetan inolako jarduerarik egitea, eta itxita egon beharko dute.

Eta kannabis-elkarteen lokalak?

Ez, itxita egon behar dute.



Zer zerbitzu eman ditzakete ostalaritzako-establezimenduek eta jatetxeek?

Aire zabaleko terrazetan zerbitzuak eskaini ahal izango dituzte, eta barruan ehuneko berrogeita hamarreko edukiera mugatua izango dute. Nolanahi ere, mahai desberdinetako aulkien artean gutxienez metro eta erdiko pertsonen arteko distantzia dagoela ziurtatu beharko da.

Zer ordutegi dute ostalaritzako eta jatetxeetako establezimenduek?

06:00etan ireki ahal izango dute, eta 20:00etan itxi beharko dute.

Janari-eskaerak jaso eta banatu al daitezke ostalaritza-establezimenduetan?

Bai, 21:00ak arte eta bertan jasotzeko aurretik hitzordua hartuta. 22:00ak arte etxeko banaketa baino ezin da egin, **baita pertsonen sarrera eta irteera mugatuta daukaten udalerrietan ere.**

Zer ordutegi dago baimenduta zerbitzuguneetan dauden ostalaritza- eta jatetxe-zerbitzuetarako?

Irekita egon ahal izango dira ezarritako berezko araubidearen arabera, baina 20:00etatik 06:00etara iragaitzazko erabiltzaileentzat bakarrik.

Nola banatzen dira erabiltzaileak ostalaritza-establezimenduetako mahaietan?

Mahai bakoitzeko bezero-taldeek ezin izango dute sei baino gehiago izan. Lau lagunentzako mahai prestatuetan lau bezero bakarrik bildu ahal izango dira, eta bi mahai batu ahal izango dira gehienez sei laguneko talde baterako.

Nola kontsumitzen da ostalaritza-establezimenduetan?

Barran edo zutik kontsumitzea debekatuta dago barruan zein kanpoan, eta erabiltzaileek mahaian eserita kontsumitu beharko dute. Berariaz gomendatzen da establezimendu horietako terrazetan eta inguruetan ez erretzea; nolanahi ere, gutxienez bi metroko pertsonarteko distantzia gorde beharko da.

Maskara erabiltzea nahitaezkoa izango da etengabe, elikagaiak edo edariak hartzeko unean izan ezik.

Ostalaritza-establezimenduetan, jolas-makinetan, jokoetan edo apustuetan erabil daiteke?

Establezimendu horietan ezin da jolas-makinarik, jokorik edo apusturik erabili.



ERANSKINA

JOAN-ETORRIAK JUSTIFIKATZEKO ERANTZUKIZUNPEKO ADIERAZPEN EREDUA, LEHENDAKARIAREN URTARRILAREN 12KO 1/2021 DEKRETUAREN ESPARRUAN

_____ jaunak/andreak, _____ NAN
zenbakia duenak, helbidea: _____, telefono-
zenbakia: _____, posta elektronikoa: _____.

Erantzukizunez adierazten du lekualdatzeko arrazoia honako hau dela:

_____ (e)n, 2021eko _____ ren ____ (e)(a)n.

Sinadura: _____